

مونترئال باسئد (مونترئال اساسلی) ایدراک تئستی

مونترال ب ایدراک قیمتلندیرمه سی

ایجرا و قیمتلندیرمه تعلیماتی


مونترال ایدراک تئستی، یونگول ایدراک پاتولوگیالارین اوپئراتیو شکیلده سئچیلمه سی اوچون کئچیریلن سیناق دیر. اونون اعتبارلی لیق و تارازلی لیغی یوکسک تحصیل لی (عمومی اورتا ساواد سویه سی ۱۳ ایلدیر) یونگول ایدراک پاتولوگیایا مالیک یاشلی لارین سئچیلمه سی اوچون معین ائدیلمیش دیر. بو سیناق (تئست) واسطه سیله یونگول ایدراک پاتولوگیایا مالیک یاشلی لاری ساغلام یاشلی لاردان آیرماق مومکون دور. مونترال تئستین اکثر گؤستریجی لری (آیتم لری) تحصیل سویه سیندن داها چوخ آسلی دیر. مونترال بئیس آدی ایله تانینان بو تئستین یئنی وئرسیاسی، یونگول ایدراک پاتولوگیایا مالیک آشاغی تحصیل سویه سی اولان یاشلی لارین سئچیلمه سی اوچون لایحه لندیریلیمیش دیر. مونترال بئیس تئستی، اوخشار ساحه لری اؤلچمه قاییلیتینه ده مالیک دیر. همین ساحه لر بونلاردان عبارت دیر: ایجرا فونکسیاسی، دیل، ایستیقامتی معینلشدیرمه، حسابلاما، کونسئپتوال دوشونجه، یادداش، عیانی قاوراایش (عیانی قاوراایش باجاریق لاری عوضینه)، دیقت. بو تئستین حیاتا کئچیریلمه مدتی ۱۵ دقیقه و ۳۰ عمومی نؤمره دیر .

باشلانغیج زامانی:

زامانی یازماقلا (ساعت، دقیقه، ثانیه) ایشی باشلایین. تئستی سول طرفده کی سوتوندا، ایجرا فونکسیاسی سوب سیناغیندان (زیرآزمون) باشلایین .

۱- ایجرا فونکسیاسی :

امتحان گؤتورن، موضوعنو بو جمله ایله تعلیماتلاندیریپ، ایشه باشلایین. "لطفاً عددی اولان مربعدن نقطه سی اولان اوخشار مربع یه بیر خط چکین. بورادان باشلایین (بیر عددی یازیلان مربع نی گؤسترین) و خطی بیر نقطه سی اولان مربع یه باغلایین (بیر نقطه سی اولان مربع نی گؤسترین)، سونرا ایکی عددی اولان مربعدن ایکی نقطه لی (مربع ایکی عددی گؤستریر) اولان مربع یه بیر خط چکین. سونونا کیمی عینیله داوام ائتدیرین (آلتی نقطه سی اولان مربع نی گؤسترین). دوغرو مودئل آشاغیداکی شکل کیمی دیر .



قیمتلندیرمه:

دوغرو مودئل سئچیلدیگی زامان ۱ نؤمره وئریلیر.

سهو مودئلی سئچنه، یا بعضی علاقه لری گؤسترنه نؤمره وئریلمیر.

۲- سرعتلی یادا سالما:

ایجرا:

امتحان گۆتورن آشاغیداکی تعلیمات لاری وئریر. "بو بیر یادداش تئستی دیر. سیزین اوچون ۵ سۆز اوخویاجاغام. سیز اونلاری یاددا ساخلامالیسینینیز. دقتله دینله یینیز. سۆز لری دئییب قورتاراندا سونرا سیزین یادداشینیزدا قالان سۆز لری منه سادالامالیسینینیز. سیرا ایله دئییللمه سی اؤنملی دئییل." امتحان گۆتورن ۵ (لاله، قلم، ایخ، ساری، قارقا) سۆز لری اوخویور (هر ثانیه ده بیر سۆز اوخونمالی دیر). بیرینجی سئریده نظرده توتولان یئرلرده دوغرو سۆزلر اوچون بیر نیشان وورون. تئست اندیلن شخص یادداشیندا قالان بوتون سۆز لری دئدیکن سونرا (بوتون سۆز لری دئییب و یا هئچ بیر سۆز دئمسه ده) ایکینجی دفعه اولاراق آشاغیداکی تاپشیریغی دئیین.

"همین سۆز لری ایکینجی دفعه اولاراق اوخویورام، اونلاری یاددا ساخلایین و یادداشینیزدا قالانی دئیین. حتی بیر سۆز و بیرینجی دفعه دئسه ده ایکینجی دفعه ده بئله دئیین. نظرده توتولموش یئرده بیر نیشان قویون."

ایکینجی سیرانین سونوندا سینانان شخصه خاطرلادین کی، بو سۆز لری یئنی دن دئمهلی دیر. بو مرحله نین تاپشیریغی آشاغیداکی فورمادادیر:

"لطفاً بو سۆز لری یادداشینیزدا ساخلایین. سیزدن اونلاری تکرارلامانیزی ایسته یه جه یم."

قیمتلندیرمه:

بو بؤلومه هئچ قیمت وئرلیمیر.

۳- جلدلیک:

ایجرا:

امتحان گۆتورن آشاغیداکی لاری دئییر:

"سیزدن فیکیرلشیب، نچه مئیه نین آدینی دئمهنیزی ایسته بیرم." بونون اوچون ۶۰ ثانیه واختینیز وار. باشلا (۶۰ ثانیه دن سونرا) واخت تامام. امتحان گۆتورن هئچ بیر سۆز و یکی دفعه حئسابلامادیغینا امین اولماق اوچون بوتون سۆز لری قئید ائتمهلی دیر .

قیمتلندیرمه:

۱۳ و یا چوخ اؤرنه یه توخونان موضوعلارا ۲ نؤمره وئرلیر.

۸- دن ۱۲- یه قدر موضوعلارا ۱ نؤمره وئرلیر.

دئیلین سؤزلرین سایى ۷ سؤزدن آز اولان لارا هئچ نؤمره نظرده توتولمور.

۴- ایستیقامتی معینلشدیرمه:

ایجرا:

امتحان گۆتورن، سینانان شخصی، بئله تعلیماتلاندیریر: "لطفاً ساعاتا باخمادان زامانی دئیین." سونرا باشقا سورغونو بئله قئید ائدیر: "بو گون هانسی گوندور؟ هانسی آیدیر؟ هانسی ایلدیر؟" سونرا بئله سوروشون: "بورانین آدین دئیین و بو شهرین آدی ندیر؟"

قیمتلندیرمه:

هر دوغرو جاوابا بیر نؤمره وئریلیر. زامان اوچون، بیر ساعت ایله ایکى ساعت آراسیندا فرق قبول ائدیلیر. سینانان شخص، گون و مکانی (خسته‌خانا، کلینیکا یا اوفیس) دوغرو و دقیق قئید ائتمه‌لی دیر. یئرلی ایل و آی آدلاری دا قبول ائدیلیر .

۵- حسابلاما:

ایجرا:

آشاغیداکی تعلیمات وئریلیر:

"بئله تصور ائدین کی، جئببیزده ۱ تومن لیک، ۵ تومن لیک و ۱۰ تومن لیک بیر چوخ دمیر پولونوز وار. لطفاً اوچ یوللا بیر شئیین آلماسی اوچون ۱۳ تومن اؤده یین. سیز خیردا پول آلمایاجاقسینیز، بونا گۆره ده دقیقاً ۱۳ تومن اؤده ملیسینیز". سینانان شخص اؤده مه اوچون آنجاق بیر یول گۆستردیگینده امتحان گۆتورن باشقا یولون اولماسینی دا سوروشور: "باشقا بیر یول دا وارمی؟" امتحان گۆتورن جاوابلاری نظرده توتولان یئرلرده ثبت ائدیر .

قیمتلندیرمه:

دوغرو اؤده منی اوچ یوللا بیان ائدنه ۳ نؤمره وئریلیر .

دوغرو اؤده منی ایکى یوللا بیان ائدنه ۲ نؤمره وئریلیر .

دوغرو اؤده منی بیر یوللا بیان ائدنه ۱ نؤمره وئریلیر .

دوغرو جاواب وئرمه‌ین شخص قیمتندیریلیمیر .

۶- آیرما:

ایجرا:

سینانان شخصدن ایستیلیر کی، دئییلن ایکی سؤزو بیر گروپا باغلا سین. بیر مثاللا باشلا یین: "پورتاقاللا موز هانسی گروپا عایدیدیر؟" سینانان شخص ظاهری شکیده جاواب وئیرسه، آنجاق اوندان ایسته یین "باشقا بیر گروپ دئیین کی بو آیتتم لر اونا عاید اولسون". بو شخص دوغرو جاواب (مئیوه) وئرمه یه قادیر دئییلسه دئیین: "بلی اونلار مئیوه گروپونا عایدیدیر. موضوعو آیدینلاداجاق هئچ بیر سؤز دئمه یین. وردیشدن سونرا بو جمله ایله ایسته یین: "لطفاً ترنله قاییغین هانسی گروپا عاید اولدوغونو دئیین". بیرینجی جاواب اویغون اولمادیغین دان تکجه بیر داها اونا دئیین "بو ایکی آیتتمین عاید اولدوغو باشقا بیر گروپ وارمی؟" ایندی ایسه لطفاً دئیین قوزئی (جنوب) ایله گونئی (شومال) هانسی گروپا عایدیدیر. " ایندی ایسه دئیین "ناغارا ایله نئی هانسی گروپا عایدیدیر". شخصی ایشاره و یا ایضاح اتمک کیمی هئچ بیر یاردیم اتمه یین .

قیمتلندیرمه:

تکجه سون اوچ آیتتم قیمتندیریلیر. شخص هر بیر جوت آیتتمه دوغرو جاواب وئیرسه هر بیرینه بیر نؤمره وئیریلیر. آشاغیداکی جاوابلار ایسه قبول ائدیلیر .

قاییق - ترن: نقلیات واسطه لری، سیاحت اوچون، سیاحت واسطه سی

قوزئی - گونئی (شومال - جنوب): بؤلگه، یؤن

ناغارا - نئی: موسیقی آلتی، ایلنجه اوچون

آشاغیداکی جاوابلار قبول ائدیلیر .

قاییق - ترن: دمیردن دوزلیب، موتور مالیکدیر، بئزین و قاز نئفت ایله ایشله ییر .

ناغارا - نئی: تاختا و یا دیگر ماتریال لاردان دوزلیب، سس یارادیر .

۷- گنجیکدیرمکله خاطرلالتما:

ایجرا:

سینانان شخصی آشاغیداکی گؤستریش لر وئیریلیر: "اولده سیزه بیر نچه سؤز دئدیم و اونلاری یادینیزدا ساخلانیزی ایستدیم. لطفاً یادداشینیزدا قالانلاری دئیین. هامی سی ویا سیرا ایله دئییلمه سی اؤنملی دئییل". هئچ بیر ایپ اوجو وئرمه دن خاطرلادیلان هر بیر سؤزه نظرده توتولان یئرده ایشاره قویون .

قیمتلندیرمه:

دوغرو سؤزلری هئچ بیر ایپ اوجو وئریلمه دن خاطرلایان شخص، بیر نؤمره ایله قیمتندیریلیر .

ایپ اوجو ایله ایجرا :

سینانان شخسه خاطرلامادیغی سۆزلری خاطرلاماسی اوچون آنلام داشییان ایپ اوجلاری ایله ایستیقامت وئرین. ایپ اوجلاری یازینین داوامیندا تقدیم اندیلیب دیر. آنلام داشییان ایپ اوجلاری و یا بیردن چوخ واریانتلی ایپ اوجلاری ایله خاطرلامادیلان هر بیر سۆزو ورقین خصوصی یئرینده قئید ائدین. بو مئتوددان ایستیفاده ائتمکله خاطرلامادیلمامیش بوتون سۆزلره ایپ اوجو وئرین. شخسه سینیفلندیلمیش آنلام داشییان ایپ اوجلاری ایله سۆزو خاطرلامادیلما چوخ واریانتلی ایپ اوجلاریندان ایستیفاده ائدین. آشاغیداکی تعلیماتدان ایستیفاده ائدین:

"فیکرینیزجه هانسی سۆز اولمالی دیر، روزا، لاله یوخسا گونه باخان".

لازیم گلرسه آنلام داشییان گروپ و چوخ واریانتلی ایپ اوجلارینی ایستیفاده ائدین .

خاطرلامادیلمامیش سۆزلر	آنلام داشییان گروپ ایپ اوجلاری	چوخ واریانتلی ایپ اوجلار
لاله	بیر نۆع گول	روزا، لاله، گونه باخان
قلم	بیر نۆع یازی وسایطی	کاغیذ، قلم، کیتاب
ایاغ	بدنین بیر حیصهسی	آیاق، ال، دیز
ساری	بويا	ساری، قیرمیزی، قهوه یی
قارقا	بیر نۆع قوش	سئرحه، طاووز، قارقا

قیمتلندیلمه:

ایپ اوجو ایله خاطرلامادیلان سۆزلر قیمتلندیلمیر .

ایپ اوجلاری کلینیکی مقصدلر اوچون تقدیم ائدیلیر. تئستین شرحی زامانی پارامنسیا (یادداش پوزوقلوغو) نۆعو اوچون آرتیق معلومات تقدیم ائدیر. یادداش پوزولماسی خاطرلامادا چاتیشما سببیدن اولسا شخسه ایپ اوجو وئرمکله دوزه لر. لاکین اگر یادداش پوزولماسی کودلاشدیرمادا چتین لیک سببیه اولسا ایپ اوجو وئرمکله شخسه گۆستریدیگی نتیجه یاخشیلاشماز .

۸- عیانی (ویزوال) قاوراییش (بینایی ایدراک):

ایجرا:

بو حیصهده علاوه ورقه احتیاج وار. امتحان گۆتورن، شکیلی گۆستریب دئییر: "ایندی سیز بو شکیله باخین. بورادا چوخلو شکیل لر بیر-بیری نین اوستونده مؤوجوددور. سیز گۆره بیلدیگینیز شئی لر ی معین ائدین. بیلدیگینیز شئی لرین شکیل لرینی داها توند رنگله یین ویا اونون فونکسیاسینی دئیین. شکیلی دؤندورمه لی سیز. سیزین اوچون زامان وئیریم. ایکی دقیقه دن آرتیق واختینیز یوخ دور. حاضر سینیزمی؟ باشلایین."

تعلیمات وئریلدیک دن سونرا ۶۰ ثانیه واخت وار. سینانان شخص کاغیدلاری دؤندوره بیلمز. جاواب لار ورقینده جاوابین خصوصی یئرینده نیشان قویمالیییق.

قیمتلندیرمه:

ورقده ۱۰ شئیین شکیلی وار. قاپچی، فینجان، کؤینک، قول ساعتی، موز، یارپاق، لامپا، آچار، شعم، قاشیق. قیمتلندیرمه:

۹- دان ۱۰-نا قدر دوز جاواب وئریلدیگینده ۳ نؤمره وئریلیر .

۶- دان ۸-نه قدر دوز جاواب وئریلدیگینده ۲ نؤمره وئریلیر .

۴- دن ۵-نه قدر دوز جاواب وئریلدیگینده ۱ نؤمره وئریلیر .

۳ و یا اوندان آزینین تعینینه هئچ نؤمره وئریلمیر .

۹- آدلاندیرما:

ایجرا:

بو حیصهده علاوه ورقه احتیاج وار. امتحان گۆتورن، حیوان لارین شکیل لرینی سول دان ساغا و یوخاری دان آشاغیا گۆستریب سوروشور: "بو حیوانین آدی ندر؟"

قیمتلندیرمه:

سینانان شخصین وئردیگی هر دوغرو جاوابا، شکیلین آشاغی سیندا بیر نؤمره وئریلیر.

۱- زئبرا (گور خر): آت و ائششک قبول ائدیلمز .

۲- توووز قوشو: قوش قبول ائدیلمز .

۳- بییر: چیتا، پلنگ، قارا بییر قبول ائدیلمز .

۴- کپنک: بۇجک قبول ائدیلمز .

۱۰ - دىقت:

ایجرا:

بو حیصهده علاوه ورقه احتیاج وار. امتحان گۆتورن آغ آرخا پلانی اولان عددلری گۆستریب دئییر: "سیز آرخا پلانی آغ رنگده اولان عددلری گۆرورسونوز. لطفاً بو دایرهلرین عددلرینی اوخویون و مربع ایله اوچ بوجاغین عددلرینی اوخومایین. بو نقطهده باشلایین {سیرانین باشلانیشیندا (دایره نین داخلینده کی ۱-۵) گۆسترین} و بو نقطهده باشا چاتدیرین. {سیرانین سونو (دایره نین داخلینده کی ۵-۵) گۆسترین. ایندی باشلایین .

قیمتلندیرمه:

سینانان شخص بیر ویا آز سهو ائدیرسه ۱ نۆمره وئریلیر. ۲ ویا آرتیق سهولره هئچ بیر نۆمره وئریلمیر.

سهو آشاغیداکى شکیلده تعیین ائدیلیر. سینانان شخص دایره داخلینده اولمایان بیر عددی اوخودوغوندا، دایره داخلینده اولان عددی اوخومادان کئچدیگینده و عددلری سیرا ایله سهو اوخویوب قاباقکی عدده قاییتدیغیندا سهو اولاراق نظرده توتولور. سهولرین سایى نظرده توتولان یئرده قئید ائدیلمه لی دیر.

ایجرا:

امتحان گۆتورن، علاوه ورقین "دقت" حیصه سینده قارا آرخا پلانا مالیک عددلرین سیراسینی گۆستریب دئییر: "سیز قارا آرخا پلانا مالیک عددلری گۆرورسونوز. لطفاً دایرهلرین و مربع لرین داخلینده اولان عددلری اوچا سسله اوخویون و اوچ بوجاق لارین داخلینده کی عددلری اوخومایین. بو نقطهده باشلایین {بیرینجی سیرادا باشلانیش نقطنی (اوچ بوجاغین داخلینده کی ۳ عددینی) گۆسترین}. بیرینجی سیرانین سونونا کیمی داوام ائتدیرین و سونرا یئنی دن ایکینجی سیرادا، بو نقطهده قوتالین. {ایکینجی سیرادا سون نقطه نی (اوچ بوجاغین داخلینده کی ۵ عددینی) گۆسترین." }

قیمتلندیرمه:

سینانان شخص ایکى ویا آز سهو ائدیرسه ۲ نۆمره وئریلیر.

سینانان شخص اوچ سهو ائدیرسه ۱ نۆمره وئریلیر.

سهو جاواب لارین سایى ۴ و ۴-دن آرتیق اولان تقدیرده هئچ نۆمره وئریلمیر .

سهوین تعیینی: دایره ایله مربع داخلینده اولمایان عددی اوخوماقلا، دایره ایله مربع داخلینده اولان عددی اوخومادان کئچدیگینده، عددلری سیرا ایله سهو اوخویارق قاباکی عدده چاتدیغیندا سهوه یول وئریلیر. سهولرین سایا اویغون یئرده قئید ائدیلسین .

بیتمه آنی:

دبقت حیصهسی نین سونوندا تئستین سونونون زامانی ساعت، دقیقه و ثانیه ایله یازیلمالی دیر. تئستین بوتون زامانی دقیقه، ثانیه ایله نظرده توتولموش سونوندا تئستین سول طرفی و سونوندا قئید ائدیلمه لی دیر .

مونترئال باسئد (مونترئال اساس لی) ایدراک تئستی حاقدآ آرتیق ایضاحات:

باشقا ایستانداردلار نظرده توتولمادیغیندا بو تئستین هر حیصه و تکلیفلری اوچون تعلیماتلار، آنجاق بیر دفعه تقدیم ائدیلیر.

یئکون قیمت (کلی نومره):

عمومی نومره لر تئستلرین آشاغی سیندا، تئستلر سونونون سول طرفینده تقدیم ائدیلیر. بو تئست اوچون ماکسیموم قیمت ۳۰- دور. تحصیل فرقی نین یؤنلندیلمه سینی اصلاح ائتمک اوچون ۴ ایلدن آز تحصیل اولاندا عمومی قیمتته بیر نومره آرتیریلیر (قیمت ۳۰-دان آز اولدوغوندا).

ساواد تأثیری نین اصلاحی اوچون ۳۰-دان آز قیمت توپلایان ساوادسیز سینانانین قیمتینه بیر نومره (شخصین تحصیل ایللرینی و تحصیل سو به سینی نظره آلمادان) آرتیریلیر.

گونده لیک حیاتدا آیدین اوخوماق و یازماقدآ چاتیشمازلیغا ساوادسیزلیق دئییلیر.